

# Сийрат дарслари (76-дарс). Набий алайҳиссаломнинг дуолари



13:00 / 13.03.2020 5218

339. Абу Саъид Худрий розияллоху анҳудан ривоят қилинади:

«Расулуллоҳ соллаллоху алайҳи васаллам рукуъдан бош кўтарсалар, ушбуларни айтардилар: **«Роббана лакал ҳамду милъас-самавати вал арзи. Ва милъа маа шеъта мин шайъин баъду. Аҳлас-санааи вал мажди. Аҳаққу маа қолал абду. Ва куллаунаа лака абду. Аллоҳумма лаа монеъа лимаа аътойта ва лаа муътия лимаа манаъта ва лаа янфаъу зал жадди минкал жадду».**

*Муслим ривоят қилган.*

340. Абу Ҳурайра розияллоху анҳудан ривоят қилинади:

«Расулуллоҳ соллаллоху алайҳи васаллам саждаларида: **«Аллоҳуммағфирлий занби куллаху, диққаху ва жиллаху ва аввалаху ва охираху ва аланиятаху ва сирраху»**, дер эдилар».

*Муслим ривоят қилган.*

341. Рифоъа ибн Рофеъ Зурақий розияллоху анҳудан ривоят қилинади:

«Бир куни Набий соллаллоху алайҳи васаллам билан бирга намоз ўқир эдик. Бошларини рукуъдан кўтарганларида: **«Самиъаллоху лиман**

**ҳамидаҳ»,** дедилар. Шунда ортларидан бир киши: «Роббанаа ва лакал ҳамду, ҳамдан касийрон муборакан фийҳи», деди. Ўгирилганларидан кейин у зот: «**Гапирган ким?**» дедилар. Ҳалиги одам: «Мен», деди. У зот: «**Ўттиздан ортиқ фариштанинг уни қайси бири олдин ёзиш учун шошилаётганларини кўрдим**», дедилар».

*Бухорий ривоят қилган.*

**«Расулуллоҳ соллаллоҳу алайҳи васаллам» китобидан**